

ՀԱՅՏԱՐԱՐՈՒԹՅՈՒՆ
ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ՆԳ-2019/25, 13.05.2019թ.

Բողոք ներկայացնող անձ՝ «Մեգիէլ» ՍՊԸ

Պատվիրատու՝ «Սուրբ Գրիգոր Լուսավորիչ ԲԿ» ՓԲԸ

Գնման ընթացակարգի ծածկագիրը և առարկան՝ ՍԳԼ-ԳՀԱՊՁԲ-19/26 ծածկագրով գնանշման հարցման ընթացակարգ, բժշկական նշանակության ապրանքների ձեռքբերում:

Բողոքի պահանջը՝

Արգելել «Սուրբ Գրիգոր Լուսավորիչ ԲԿ» ՓԲԸ-ին ՍԳԼ-ԳՀԱՊՁԲ-19/26 ծածկագրով հրավերով կատարել որոշակի գործողություններ, ընդունել որոշումներ, կնքել պայմանագիր և պարտավորեցնել պատվիրատուին չկայացած հայտարարել ՍԳԼ-ԳՀԱՊՁԲ-19/26 ծածկագրով գնման ընթացակարգը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Գ. ՆԵՐՍԻՍՅԱՆ,

ՔԱՐՏՈՒՂԱՐ՝ Տ. ԳԵՎՈՐԳՅԱՆ

Տեղեկացնում ենք, որ բողոքի քննության նպատակով հրավիրվող նիստերին առցանց կարող եք հետևել <https://www.e-gov.am/gnumner/> հղումով կայք-էջում:

Միաժամանակ տեղեկացնում ենք, որ «Գնումների մասին» ՀՀ օրենքի՝

50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Սույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

51-րդ հոդվածի 1-ին մասի համաձայն՝ ՀՀ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը ներառյալ:

MEGIEL

ՄԵԳԻԷԼ

Գնումների հետ կապված բողոքներ քննող անձին
Հասցե՝ Մելիք Ադամյան 1, Երևան քաղ.

Բողոք քերող անձ՝ «Մեգիել» ՍՊԸ,
տնօրեն՝ Սամվել Փարիզյանից
Հասցե՝ Դ. Դեմիրճյան 40, Երևան քաղ.
Էլ. փոստ՝ office@megiel.am

Պատվիրատու՝ «Սուրբ Գրիգոր Լուսավորիչ ԲԿ» ՓԲԸ
Հասցե՝ Գյուրջյան 10, Երևան քաղ.

Էլեկտրոնային աճուրդի ծածկագիր՝ ՍԳԼ-ԳՀԱՊՁԲ-19/26
բժշկական նշանակության ապրանքների ձեռք բերում

Բ Ո Ղ Ո Ք

1. Վեճի առարկա.

1.1 «Սուրբ Գրիգոր Լուսավորիչ ԲԿ» ՓԲ ընկերության կողմից հայտարարվել է ՍԳԼ-ԳՀԱՊՁԲ-19/26 ծածկագրով էլեկտրոնային աճուրդ:

1.2 ՍԳԼ-ԳՀԱՊՁԲ-19/26 ծածկագրով հայտերի բացման օրը եղել է 24.04.2019թ. ժամը 10:30-ին:

1.3 24.04.2019թ. մինչ սույն բողոքը ներկայացնելու օրը պատվիրատուի կողմից արձանագրությունը հասանելի չի դարձվել (հրապարակվել) ցանկացած անձի համար, ինչպես սահմանում է «Գնումների մասին» ՀՀ օրենքը:

1.4 30 ապրիլի 2019թ դիմում է ներկայացվել պատվիրատուին՝ օրենքով սահմանված կարգով ՍԳԼ-ԳՀԱՊՁԲ-19/26 ծածկագրով էլեկտրոնային աճուրդի արձանագրության եւ դրա մաս կազմող փաստաթղթերի պատճենները տրամադրելու մասին:

1.5 Բողոքը ներկայացնելու օրվա դրությամբ պատվիրատուն չի տրամադրել պահանջվող փաստաթղթերը կամ մերժել ներկայացված դիմում (դրսետրել է անգործություն):

2. Բողոքի փաստական և իրավական հիմքերը.

«Գնումների մասին» ՀՀ օրենքի (հետայսու՝ Օրենք) 3-րդ հոդվածի 1-ին մասի 2-րդ կետի համաձայն Օրենքի նպատակն է ի թիվս այլի «գնումների և գնումների գործընթացի տնտեսող, արդյունավետ և օգտավետ իրականացումը:»

Համաձայն Օրենքի 3-րդ հոդվածի 2-րդ մասի «Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում:»:

Օրենքի 33-րդ հոդվածի 8-րդ մասի համաձայն՝ հայտերի բացման նիստի օրվա ավարտին հաջորդող առաջին աշխատանքային օրը հայտերի բացման նիստի արձանագրությունը հրապարակվում է տեղեկագրում:

Օրենքի 34-րդ հոդվածի 8-րդ մասի համաձայն՝ հայտերի գնահատման արդյունքներով կազմվում է հայտերի գնահատման նիստի արձանագրություն, որը կցվում է գնման ընթացակարգի արձանագրությանը:

Նույն հոդվածի 9-րդ մասի համաձայն՝ հայտերի գնահատման նիստի ավարտին հաջորդող առաջին աշխատանքային օրը նիստի արձանագրությունը հրապարակվում է տեղեկագրում:

ՀՀ կառավարության 18.05.2017թ N 534-Ն որոշման (հետայսու՝ նաև Որոշում) 13-րդ կետի համաձայն՝ աճուրդը սկսվում է հայտերը ներկայացնելու ժամկետը լրանալու օրվանից հաշված երկրորդ աշխատանքային օրը՝ հրավերով սահմանված ժամին:

Որոշման 16-րդ կետի համաձայն՝ աճուրդն ամփոփվում է հրավերում նշված կոնկրետ ժամը լրանալու դրությամբ կամ սույն կարգի 11-րդ կետի 2-րդ ենթակետով նախատեսված դեպքում:

Որոշման 19-րդ կետի համաձայն՝ աճուրդն ամփոփելուն հաջորդող աշխատանքային օրը

1) գնահատող հանձնաժողովը մերժում է այն հայտերը, որոնցով ներկայացված գնային առաջարկներն աճուրդն ամփոփվելու պահի դրությամբ գերազանցում են ընթացակարգի արդյունքում գնվելիք ապրանքի, աշխատանքի կամ ծառայության ձեռքբերման համար գնման հայտով սահմանված գինը.

2) գնահատող հանձնաժողովի քարտուղարն աճուրդի արդյունքների ամփոփման նպատակով հրավիրված նիստի արձանագրության, ինչպես նաև տվյալ նիստին ներկա հանձնաժողովի անդամների կողմից ստորագրված շահերի բախման բացակայության մասին հայտարարությունների բնօրինակներից արտատպված (սկանավորված) տարբերակները հրապարակում է տեղեկագրում:

Սույն բողոքը ներկայացնելու օրվա դրությամբ gumner.am տեղեկագրում առկա տեղեկության համաձայն ՍԳԼ-ԳՀԱՊՁԲ-19/26 ծածկագրով էլեկտրոնային աճուրդի արդյունքների ամփոփման նպատակով հրավիրված նիստի արձանագրությունը հրապարակված չէ տեղեկագրում:

Գնահատող հանձնաժողովի գործողությունները մանրամասն կարգավորվում է ինչպես «Գնումների մասին» ՀՀ օրենքով, այնպես էլ ՀՀ կառավարության 18.05.2017թ N 534-Ն որոշմամբ, և այդ իրավական ակտերով սահմանված ժամկետներն ինքնանպատակ չէ, դրանցով անշեղորեն առաջնորդվելը միտված է ապահովելու որպեսզի անհարկի չձգձգվի գնման գործընթացը և դրանց արդյունքների մասին իրազեկելը նույնպես չի կարող աննպատակ դիտարկվել, որը հիմք կտա կասկածի ենթարկել գնման ընթացակարգի իրավական ապահովումը:

Օրենքի իմպերատիվ պահանջ է հանդիսանում գնահատող հանձնաժողովի կողմից հրավիրվող նիստերի արդյունքներով արձանագրությունների կազմումը և տեղեկագրում հրապարակումը:

«Գնումների մասին» ՀՀ օրենքի 9-րդ հոդվածի 4-րդ մասը սահմանում է, որ «Պատվիրատուն պարտավոր է գնման ընթացակարգի արձանագրության կամ դրա մաս կազմող փաստաթղթի պատճենը, բացառությամբ պետական գաղտնիք պարունակող գնումների, տրամադրել ցանկացած անձի՝ վերջինիս կողմից նման պահանջ ստանալուց հինգ աշխատանքային օրվա ընթացքում»:

24.04.2019թ տեղի է ունեցել ՍԳԼ-ԳՀԱՊՁԲ-19/26 ծածկագրով հետադարձ աճուրդ և մինչ սույն բողոքը ներկայացնելու օրվա դրությամբ պատվիրատուն չի հրապարակել աճուրդի արձանագրությունը:

30 ապրիլի 2019թ դիմում է ներկայացվել պատվիրատուին օրենքով սահմանված կարգով ՍԳԼ-ԳՀԱՊՁԲ-19/26 ծածկագրով էլեկտրոնային աճուրդի արձանագրության և դրա մաս կազմող փաստաթղթերի պատճենները տրամադրելու մասին (կից՝ դիմումի պատճեն և պատվիրատուի կողմից ստանալը հավաստող ապացույցը):

Պատվիրատուն չի տրամադրել կամ մերժել պահանջվող փաստաթղթերի պատճենները (դրսևորել է անգործություն):

Այսպիսով, պատվիրատուի կողմից չի պահպանվել հայտերի գնահատման և արձանագրության հրապարակման համար սահմանված ժամկետները և ընթացակարգը:

Հրավերի 11-րդ գլուխը կարգավորում է գնման գործընթացի հետ կապված գործողությունները և (կամ) ընդունված որոշումները բողոքարկելու մասնակցի իրավունքը և կարգը:

Համաձայն հրավերի 11.3 կետի՝ յուրաքանչյուր անձ իրավունք ունի Օրենքի համաձայն՝ նախքան պայմանագրի կնքումը բողոքարկելու պատվիրատուի և հանձնաժողովի գործողությունները (անգործությունը) և որոշումները:

Թեև սույն բողոքի առարկան պատվիրատուի գործողություններն (անգործությունը) են, բայց այնուամենայնիվ հարկ ենք համարում անդրադառնալ հրավերին, մասնավորապես տեխնիկական բնութագրերին, փաստարկելով այն հանգամանքը, որ պատվիրատուի կողմից ՍԳԼ-ԳՀԱՊԶԲ-19/26 ծածկագրով էլեկտրոնային աճուրդն իրականացվել է օրենքի կոպտագույն խախտումներով և դեռևս դրանք շարունակվում են:

Օրենքի 13-րդ հոդվածի 5-րդ մասը սահմանում է, որ «Գնման առարկայի հատկանիշները չպետք է պահանջ կամ հղում պարունակեն որևէ առեստրային նշանի, ֆիրմային անվանմանը, արտոնագրին, եսթիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը»:

Ուսումնասիրելով ՍԳԼ-ԳՀԱՊԶԲ-19/26 ծածկագրով հրավերը տեխնիկական բնութագրում չենք կարող արձանագրել, որ պատվիրատուն ղեկավարվել է Օրենքի 13-րդ հոդվածի 5-րդ մասի խնդրանքով պահանջով, քանի որ նրանում բացակայում է «կամ համարժեք» եզրույթը: Պատվիրատուի կողմից օրենքով չառաջնորդվելու արդյունքում խախտվել է ինչպես այլ հավանական հայտատուների, այդ թվում նաև «Մեգիել» ՍՊ ընկերության էլեկտրոնային աճուրդին մասնակցելու իրավունքը:

04 մայիսի 2017թ 526-Ն կառավարության որոշման 22-րդ կետը սահմանում է, որ «Գնման առարկայի բնութագրերը և մասնակիցների որակավորման հատկանիշների գնահատմանը ներկայացվող չափանիշները սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ՝ բացառությամբ օրենքի 23-րդ հոդվածի 1-ին մասի 1-ին կետով նախատեսված պայմաններով գնում կատարելու դեպքերի»:

Օրենքով սահմանված կարգավորմամբ չկազմված հրավերով կայացված էլեկտրոնային աճուրդը չի կարող ապահովել օրինական արդյունք, քանի որ իսկզբանե կարծես թե պատվիրատուն միտում է ունեցել բողոքված միջոցով սահմանափակել շատ այլ մասնակիցների հայտ ներկայացնելու հնարավորությունը, այդպիսով՝ հնարավորություն ստեղծել նախընտրելի մասնակցի հաղթանակը:

Պատվիրատուի նմանօրինակ միտումը հիմնավորվում է նրանով, որ մինչ այժմ պատվիրատուն չի հրապարակել 24.04.2019թ հետադարձ աճուրդի արձանագրությունը եւ այն մեր դիմում-պահանջի հիման վրա եւս չի արամադրվել:

Այսպիսով, արձանագրում ենք պատվիրատուի բազմաթիվ օրենսդրորեն ամրագրված կարգավորումների շրջանցումները, որը չի կարող դիտարկվել ուղակի վրիպումներ կամ անհետևողական վերաբերմունք: Նման վերաբերմունքը պետական միջոցներից ֆինանսավորվող գործընթացին շատ ավելի ռիսկային նախադրյալներ են պարունակում:

Իրավական նորմերի խախտմամբ իրականացվող գնման ընթացակարգը չի կարող ապահովել օրինական եզրափակում, որը նախատեսել է օրենսդիրը՝ «Գնումների մասին» ՀՀ օրենքով եւ դրանց իրականացված համար ընդունված իրավական այլ ակտերով (ՀՀ կառավարության որոշումներ):

3. Պահանջ.

3.1. Համաձայն «Գնումների մասին» ՀՀ օրենքի 50-րդ հոդվածի 7-րդ մասի՝ «Սուրբ Գրիգոր Լուսավորիչ ԲԿ» ՓԲ ընկերությանը ՍԳԼ-ԳՀԱՊՁԲ-19/26 ծածկագրի հրավերով արգելել կատարել որոշակի գործողություններ, ընդունել որոշումներ, կնքել պայմանագիր եւ պարտավորեցնել պատվիրատուին չկայացած հայտարարել ՍԳԼ-ԳՀԱՊՁԲ-19/26 ծածկագրով գնման ընթացակարգը:

3.2 Օրենքի 50-րդ հոդվածի 1-ին մասի 6-րդ կետի համաձայն՝ բողոքը բավարարվելու դեպքում վերադարձնել բողոքի քննության համար նախատեսված վճարը:

MEGIEL

ՄԵԳԻԷԼ


Կից ներկայացվում են.

1. Անձը հաստատող փաստաթղթի պատճեն,
2. բողոք ներկայացնելու համար վճարման անդորրագրի պատճեն,
3. պատվիրատուին հասցեագրված 30.04.2019թ դիմումի պատճեն եւ այն ստանալու փաստը հավաստող ապացույցը:

«Մեգիել» ՍՊԸ

տնօրեն՝ Մամվել Փարիզյան

13 մայիսի, 2019թ



The image shows a handwritten signature in black ink over a circular stamp. The stamp contains the text 'ՄԵԳԻԷԼ' (MEGIEL) and '01641008' in the center, surrounded by other text in Armenian and English. The signature is written in a cursive style.